

ՖՐԱՆՍԵՐԵՆ

Հիմնական դպրոցի «Ֆրանսերեն» առարկայից ավարտական քննության հարցատոմսի կառուցվածքը և գնահատման չափանիշները

Հանրակրթական դպրոցների 9-րդ դասարանի «Ֆրանսերեն» առարկայից քննական հարցատոմսերի բովանդակությունը համապատասխանում է ՀՀ հանրակրթական հիմնական դպրոցի «Ֆրանսերեն» առարկայի առարկայական ծրագրերին և չափորոշիչներին:

Հարցատոմսը պարունակում է 4 առաջադրանք:

Առաջին առաջադրանքում տրվում է տեքստ (մինչև 200 բառ) և դրա վերաբերյալ 4 հարց: Աշակերտը պետք է բարձրաձայն կարդա տեքստը և կարողանա պատասխանել տեքստի բովանդակությանը վերաբերող 4 հարցերին: Առաջադրանքը գնահատվում է 5 միավոր:

1 միավոր տրվում է սահուն կարդալու, ճիշտ արտասանության համար (նաև մինչև 4 արտասանական սխալի դեպքում) և 1-ական միավոր՝ յուրաքանչյուր ճիշտ պատասխանած հարցի համար:

Երկրորդ առաջադրանքում տրված են նախադասություններ, որոնցից դուրս բերված 5 բայերը պետք է դնել պահանջվող ժամանակաձևով: Առաջադրանքը կատարվում է գրավոր և գնահատվում է 5 միավոր:

Երրորդ առաջադրանքը թարգմանություն է հայերենից Ֆրանսերեն, որը կատարվում է գրավոր: Տրվում է 5 նախադասություն (մինչև 40 բառ):

Թարգմանությանը տրվում է 5 միավոր և գնահատվում է հետևյալ չափանիշներով՝

- **5 միավոր** տրվում է անթերի աշխատանքի համար:
- **4 միավոր** տրվում է այն դեպքում, եթե նախադասությունները ճիշտ են թարգմանված, բայց թույլ է տրված 1-2 սխալ (ուղղագրական, բառագործածական կամ քերականական):
- **3 միավոր** տրվում է այն դեպքում, եթե նախադասությունները հիմնականում ճիշտ են թարգմանված, բայց թույլ է տրված 3-4 (ուղղագրական, բառագործածական կամ քերականական) սխալ
- **2 միավոր** տրվում է այն դեպքում, եթե նախադասությունները գրեթե ճիշտ են թարգմանված, բայց թույլ է տրված 5-6 (ուղղագրական, բառագործածական կամ քերականական) սխալ
- **1 միավոր** տրվում է այն դեպքում, եթե նախադասություններում թույլ է տրված 7-8 (ուղղագրական, բառագործածական կամ քերականական) սխալ
- **միավոր չի տրվում**, եթե թույլ է տրված 9-ից ավելի ուղղագրական, բառագործածական կամ քերականական սխալ:

Չորրորդ առաջադրանքը ազատ զրույց է հետևյալ թեմաներից որևէ մեկի շուրջ:

1. La France.
2. Ma journée.
3. Les repas.
4. Les fêtes.
5. Mon ami(e).
6. Ma famille.
7. Au supermarché
8. Mon livre préféré.
9. Mes vacances d'été.
10. Mes vacances d'hiver.
11. La République d'Arménie.
12. Un événement inoubliable.
13. Les sports d'été et d'hiver.
14. Ma ville natale (mon village natal).
15. Mon quartier et ma maison où j'habite.
16. Un voyage (une excursion) inoubliable
17. Mon école, mes études et mes professeurs.
18. Mes activités quotidiennes et mes loisirs.
19. Erevan – capitale de la République d'Arménie.
20. Paris – capitale de la République française.

Պահանջվում է մտքեր արտահայտել տրված թեմայի շուրջ:

Չորրորդ առաջադրանքն ամբողջությամբ գնահատվում է 5 միավոր: Գնահատումը կատարվում է հետևյալ չափանիշներով:

- **5 միավոր** տրվում է, եթե պատասխանի բովանդակությունը լիովին համապատասխանում է թեմային և աշակերտը կարողանում է պատասխանել տրված հարցերին:
- **4 միավոր** տրվում է, եթե պատասխանի բովանդակությունը լիովին համապատասխանում է թեմային և աշակերտը կարողանում է պատասխանել ոչ բոլոր հարցերին:
- **3 միավոր** տրվում է, եթե օգտագործված բառապաշարը ընտրված է թեմային համապատասխան, սակայն կան աննշան վրիպումներ և աշակերտը չի կարողանում պատասխանել տրված հարցերին:
- **2 միավոր** տրվում է, եթե շարադրանքի բովանդակությունը մասամբ է համապատասխանում թեմային, նախադասությունների հիմնական մասը քերականորեն ճիշտ չի կառուցված:
- **1 միավոր** տրվում է, եթե շարադրանքի բովանդակությունը չի համապատասխանում թեմային, քերականական սխալների քանակը մեծ է:
- **միավոր չի տրվում** պատասխանի բացակայության դեպքում: